



Ямде лей

ВЛКСМ МАРОБКОМЫН ОРГАНЖЕ

Адрес: Йошкар-Ола, Совет пбрг, "Ямде лей" редакция



ВЛКСМ обкомышто

Олимпиадылан ямдылалтмым вияндаш кӱлеш

21 апрельште ВЛКСМ Обкомышто йоча творчество олимпиадым эртарыме паша дене оргкомитетын заседанийже лийын. Оргкомитет областной ден районный олимпиадым эртарыме нерген мероприятий - шамычым пенгыдемден.

Йоча творчествын областной олимпиадыже 1940 йй 20 июнь гыч 25 июнь мартен Йошкар-Олаште эртаралтеш. Олимпиадым мемнан республикысе районла гыч чылаже 400 йоча ужалтеш, нуно чыланат тунемаште да дисциплина шотышто "сай" да "отлично" отметкым налше, художественный самодеятельностьюм вияндамаште сай результатым ончыктышо коллектив ден посна исполнитель - шамыч лийшаш улыт.

Районный ден городской олимпиада-шамыч 20 май мартен эртаралтат.

Йоча самодеятельный коллектив ден тунемше-шамыч художественный самодеятельностьын чыла видше дене (музык дене, мурымаш дене, литературный творчество дене, сылымутан литературым лудмаш дене, драматический постановка дене, хореографический искусство да моло денат) выступатлен кертыт. Тыгак юный изобретатель, юный натуралист-шамыч шкеныштын пашаштын ончыкташ тӱналыт.

Областной олимпиаде эртыме жаплан Йошкар-Олаш кок выставка организават-

лалтеш: иктыже—изобразительный искусство дене, весыже—юный техник-шамычын пашашт дене. Нине выставка-шамычште Марийский АССР кӱргыс юный техник, юный натуралист, юный художник да скульптор - шамычын, тӱрым сайын тӱрлыш-шамычын пашашт ончыкталтат.

Олимпиадыште йоча литературный творчеством (стих, йомак, ойлываш-шамыч да тулеч молат) ончыкташ ямдылалтме пашалан поснак вниманийым ойрыман. Олимпиадыште тунемше-шамыч коклаште возаш тӱналше поэт, писатель - шамыч шкеныштын произведенийышт дене участвозатлен кертыт. Нунылан серьезный полшыш кӱлеш. Тиде пашаште литература дене тувыктыш-шамыч кугу полшышым пуышаш улыт.

Тунемше - шамыч шкеныштын литературный произведенийыштым 1940 йй 1 июнь деч вара шотко ВЛКСМ Обком пеленсе Оргкомитет, але "Резе коммунист" ден "Ямде лей" редакцийыш колтен кертыт.

Йоча-шамычын сай произведенийышт-шамыч газетлаш печатлалтат да посна книга дене лектеш.

Жап шукак кодын огыл. Олимпиадылан ямдылалташ комсомольский организаци-шамыч, учитель - шамыч да чыла общественность эн активно полшышаш улыт.

ИСПЫТАНИЙ МАРТЕ 24 КЕЧЕ КОДЫН



ОЙЛЫМАШ

да, йӱкым лукто тудо. — Тыгете нимогай шинчымашым одал, испытанийыште садак лакем кодыда. Кудалтыза тиде шонымашдам.

— Тыйын пашат уке! — кычкыра Микале.

Микале мӱнгышкыжӱ миймеке, аважлан куанен каласыш:

— Авай, мый таче алак "хорошо" налым. Туныктышат мыйым моқтыш.

Позо авалан тиде мут кугу куачымаш. Ачаж ден аваже Микале верч чот тыршат. Мо кӱлеш, чыла ыштат—только тунемше гына. Вургемышат пеш сайым ыштен пуэнт. Шыжым Микалым техникумыш тунемаш колтынешт.

Тыге теле мучко шуко гана Микале аважлан школ гыч толмекыже ойлен:

— Мый таче "отличным" налым.

Пӱржат мӱнгыштыжӱ чылам куандарен.

Кастене ачаж Микалын тетрадыш-шамычым Устембак оптышат, ончаш тӱнале. Геометрий тетрадыштыже кажне 5-6 корным возмек, чара вер кодымо. Пытартыш гана возымаште ончале, чылт бр: тушто 20 январь гына шога. Варажым тетрадыште нимомат возымо огыл.

— Молан тыге, Микале? Кызыт 20 апрель, а тыйын тетрадыштыжым пытартыш числа 21 январь гына?—вара йӱкым лукто ачаж.

— Монымым эше возем. Вот эрла возаш тӱналам.

— А чара вержым молан коденат?

— Тудыжо нимат огыл. Тушакын теорема-шамычым доказатлаш да задачым гына решатлаш кӱлеш. Тидымат эрла ыштем.

— Учителдаже мӱнгышкӱ нимогай заланийым ок пу аламо, книгатым тый ик ганат от кучыс?— ачаж алак йодо.

— Молан мӱнгыштыжым ышташ? Ме Пӱр ден коктын ен-шамыч гай окмак она ул шол, нимом луде "хорошо", "отличным" налым!

Эрлашыжым Сергей ден Санюк ойлымашт семын ыштышт.

Географий дене Сергей нимат ямдылен огыл ыле гынат, "отличным" нале: Санюк пеш мастарын подсказыватлен шинчыш, туныктышат ыш шиж.

Вес кечыжым геометрий лие.

Николай Ильич Сергей деч урок тӱнале годым йодо:

— Кодшо урокышто мом тунемым каласен керат?

Сергей воктенже шинчыше Санюк могырыш ончалын, тудын ончылыно кийыше геометрий книгажм ужат куаныше семынак каласыш:

— Кертам.

Но Николай Ильич йоршын вучыдымо мутым каласыш:

— Тый, Сергей, теve первый партыш шич, вара ойлаш тӱнал.

Ошем кайше Сергей Миша Смолин воктен толын шинче.

— Ну, ынде каласе,—Николай Ильич Сергей деч йодо.

Санюкат Сергей семынак ни гуш пурен кайыш брын. Нико-

нын, подсказыватлаш ыш решитле. Теве тудын дечат вашке йодеш дыр! Книгажым садор лудаш тӱнале.

Сергей тул гай йошкарген. Тудо нимат ок пелеште. Вет могай намыс! "Ынде мом каласаш?"—шона тудо. Нимом пелештыде, тудо волен шинче да вуйжым кумык сакыш.

— Молан, Сергей, тыге ыштет? Тый садак мыйым огыл, а шкендым онгалет. Мый шинчем, кузе тый географий дене "отличным" налымат. Но мом ойлымем тый шкат от шинче. Туге вет?

Сергей шып шинча. Нигомат ончалаш ок тошт.

— Тыланет "плохим" шындем. Векана тиде "плохим" шкеан шарналет. Таче гыч тый эртыште шинчаш тӱналат да Смолин дене пырля занематле.

Урок деч вара Сергей шкетывак мӱнгыш кайыш. Но корнышто тудым Смолин поктевшуо.

— Николай Ильич кӱштымӱ семын ыштена йбра, Сергей? Подсказке дене шинчымашым налш ок лий шол. Значит, таче кочмек мый тый декет мием? Геометрий дене порядкым ыштылна, йбра?

— Йбра, мий.

19-ше май. Эрла испытаний.

Микале ден Пӱр тетрадыштым ойыркалат.

— Эрла вет геометрий дене испытаний лие? Тугеже мыйын лудаш шуко огыл Ужат, теve улыжат лу листа гына. Туштыжат мынар чара вер! Тидым мый эрла эрденат лудын шуктем,—йывыртеше йӱм дене Микале Пӱрлан ойла.

— Эрла лудына. Кызыт колым кучаш каена, да?

— Давай каена!

Вот вучымо кече толын шуы!

Таче испытаний тӱналет. Школын кудывечыштыже йоча-шамыч модыт. Звонок марте вич минутат кодын огыл смолин Миша, Сергей да Санюк пӱрня уьмбалне мутланен шинча:

— Волноватлаш ок кӱл, йолташ-шамыч. Те геометрий дене чыла отвечаен кертыда манын, мый ушанем,—Миша каласыш.

Вот Микале ден Пӱрлат толыт. Нуно пӱрня уьмбак шинчыш да кӱсенышт гыч тетрадым луктын гына шуктышт, сторож звонокым рӱзен, кудывечыш лекте. Нуно мӱнгыштышт мелнам вученышат, лудаш шуын огылат.

Класс. Николай Ильичат йоча-шамыч семын весела лийын. Тудо таче 7-ше классын шинчымашыжым тергаш тӱналет.

Петров Микале, Смолин Миша да Андреев Пӱр теve тиде партыш шачса,—Николай Ильич каласыш,—да кажныже ик билет гыч налза.

Кумытынат ик билет гыч шупшыш луктыч.

Микале упшажым изиш каралтен, билетшым онча. Тушто кок палыдыме йодыш-шамыч улыт:

1. Кок окружность-шамычын взаимный расположенийышт

(Мучашым 2-шо странициште лудса.)



Немла средний школын (У-Тор'ял район) VI-шо "Б" классыште тунемше ученик-шамыч. Шола гыч пурлашке (шичат) Чернов Яков, Матвеева Клавдия, Соколов Павел, Воронцов Семен. Шогат: Лебедева Мария, Садовина Елена, Степанова Лиза, Садовина Наталия да Батанова Вера. Фото Л. Небогатикиной.

Произведений-шамычым уэш лудам

Испытанийыжм кок-кум предмет дене икганаште ямдылалташ йӱнан огыл. Садлан лийын кызыт руш литература дене гына ямдылалтам. Тиде предмет дене ямдылалтме годым мый тунемме произведений-ша-

мычым (изиракыштым) эше ик гана лудын лектам.

Литература дене ямдылалтмек, геометрий денат повторитлаш тӱналам.

Окольников Гаврил.

Тошто-Тор'ял средний школа, 9-ше класс.

КОМ НУНО ОНДАЛЫШТ?

(МУЧАШ)

нерген кок теорема. 2. Вписанный угол. Иодыш шамыч почеш треугольником ыштыме асрген ик зааца уло. „Да, мый ом шинче. Тиде тунемме годым мый лийын омыл“—шке семынже шона.

Пётр парт умбак пугырнен, упшым чывыштыл шинча. „Вес билетым йодын ончышаш“—шоналтыш тудо.

А Смолин уже отвечаешат тунгалын. Тудо теоремым каласыш, доказатлыш. Задачылат доскаш решитлыш.

— Отлично! Молодец, Смолин! Каен керат. Ну-ка, Петров Микале, каласын пуян тыят „отличнылан“. — Николай Ильич тудын могырыш ончал.

— Мый тиде йодыш-шамычлан ответым пуэн ом керт, — Миша йукым лукто.

Николай Ильич Микалын кидгыше билетым нале, лудо:

— Вет тый тиде урокышто лийынат! Даже первый йодышлан отчаен, „хорошо“ наметылат шарнем. Тый дене мо лийын тыге, а?

Мыйын тетрадьштем тидын нерген йоршынат возымо огыл... Вес билетым лиеш?

Микале вес билетым лукто. Тушто эшеат утларак палыдыме йодыш-шамыч улыт: параллелограммысе диагональ-шамычын свойствышт нерген да треугольником угыл суммыжо нерген теорема-шамычым доказатлаш. „Параллелограмм...“, „треугольник... мут-шамычым колалтын. Но от шинче гын, кузе доказатлет?“—тыге шонен шинчышат, Микале каласыш

— Он пале тидымат... Эше ик билетым ончем мо?

—Уке, ынде ок лий. Каласы: мо тугай периметр?

Микале тидымат ом пале. Вара коридорыш лектын кайыш.

Пётрлачат ойго лие: тудат „плохим“ нале.

Коридорышто Смолин Миша Сергей ден Санюк йолташыже-шамычым вучен шоен. Вот кок йолташ шамыч шыргыжал

лектыч. Нуно викак Мишалан кидым шуют.

—Поздравитлен керат: „хорошо“ нална ве! Ну, тыланет да Николай Ильичлан кугу тау: те мемнам колымаш деч утарыме семын утарышта, —каласыш Сергей. Вара лукышто шогышо Пётр ден Микалым ужат, нунын деке мийыш:

— Мый тыланда йонгылыш лийыда, манын ойленам ыле, те ышда колышт.

★

Май тылзе эртыш, июнят шуын. Вакке школышто чыла классынат испытаний пытыш.

7-ше классыште тунемше-шамыч погынымашым эртарат. Николай Ильич — классный руководитель—увертарыш: кбн мынар „отличныже“, „хорошо-жо“, „посредственныже“ уло.

—Петров Микале ден Андрей Пётр 7-ше классешак кодыт, а молышт школым тунем пытарышылан шотлалтыт. Вот тыланда свидетельств, — Николай Ильич йошкар чия дене возымо свидетельство тўшкам лукто да йоча-шамычлан пуэдыш. — Те ынде керек-кушкат каен кертыда: техникумыш, рабфакыш, училищыш, средний школыш. Тунемаш гына брканаш ок кўл.

Микале ден Пётрын шинчашт кудыжгыш. Нимом пелештыде, нуно класс гыч эркын лектын кайыш. Могай жал! Ик ий арам йомын. Шыжым техникумыш кайышаш олмеш, тошто партышкак шинчаш верештеш.

Корнышто, мбнгышкышт каймышт годым, Микале ден Пётрын ушышкышт чыла пура: кузе мбнгышкб миен пураш? Вет мбнгышкышт нуным ынде йошкар чия дене возыман свидетельство дене вучат. Нуно шарнат: кузе икте-васыштым „плохо“ деч утареныт, кузе суфлер семын лудаш тунеммыт, кузе нуно Николай Ильичым, моло туныктышо-шамычым, ачаштым, аваштым ондаленыт...

Но ком нуно ондаленыт? Жал!.

ИВАН ФЕДОТОВ.

Мыйын звенам олимпиадылан ямдылалтеш

Мый 4-ше звенан звеноводшо улам. Мыйын звенам йоча творчествын районный художественный олимпиадыжлан виян ямдылалтеш. Кызыт ме Павик Морозов нерген у мурым тунемына. 9-ше классыште тунемше Тимофеев Иван „Три танкиста“, „Катюша“ да „На Каспийском сером море“ муро-шамычым гармонь дене сайын шокта, а ме тудын шоктымыжо почеш мураш тунемына.

Марданов Василий,

3 шо отрядысе 4-ше звенан звеноводшо.

Сотнур район, Сотнур средний школа.



Шошо. Фотограф С.С. Чуршукон.



НОРВЕГИЙСЕ ПОЛОЖЕНИЙ

Английский войска - шамыч Лофотенский остров-шамычым пўтынек налын шуктеныт. Эльверум ден Хамара районушто кок кече жап кугу кредалмаш лийын шога. Туге гынат, тужеч нимогай сведений уке.

Тенгече Стокгольмышто Швецийын западный побережье дене Скагеррак проливныште орудий дене виян лўйкалымаш нерген шуко увер шарлен. Тиде лўйкалымаш шуко верлаште шоктен манын, увертарат. Туге гынат, населений западный побережьеште тенгысе кредалмашым ужын огыл.

Эльверум северный Норвегия дене кылым кучышашлан важный узловой

пункт лийын шога. Конгсвингерын сенгалтмыже деч вара германский войска-шамычлан ончыко каяшышт норвежский отряд - шамыч турло семын чараклеа шогат, кўвар - шамычым пудештарат да корнылаш миным шындылыт. Ромсдалсфюрдыш пурымаште канадский войска-шамычым высидитлалтмышт нерген ув ртарымаш-шамыч чылыт гын, Хамара секторышто лишыл жапыште кугу кредалмаш лийшашым вучаш лиеш.

Намсосышто, Льерденыште да Молдышто ик французский да кок английский дивизий-шамыч высидитлалтныт. Немец-шамыч Хамдо ден Эльверумым кучеш шогат.

Английыште вольык да кайык-шамычым пукшаш корма уке

Сар деч ончыч Английышке вольык-шамычлан да кайык-шамычлан кормам вес элла гыч шупшыктат ыле. Кызыт английский парохд-шамыч шукужым оружийым да снаряд-шамычым шупшыктат. Кормам шупшык-

тымаш пеш чот иземын. Английский фермер-шамыч сбсна ден кайык-шамычым пукшен огыт керт да нуным пуштедат. Вакке Английыште вольык да кайык-шамыч пеш шагал кодыт.

Английын йомдарымашыже

Норвежский серла воктен 12 кече жап кредалмаште Англия 4 линкорым, 2 линейный крейсерам, 1 авианосецым, 4 нелз крейсерам, 10 куштылго крейсерам, 12 эсминцам, 13 подводный пушым, 29

самолетым да 15 транспортный судным йомдарен. Тиде овчыктым 90 боевой единица гыч 60 боевой единицыжым йоршеш пытарыме молыжо локтылалтыныт.

КУГЫЖАН РОССИЙЫШТЕ ПАШАЗЕ-ШАМЫЧ ПЕРВЫЙ МАЙЫМ КУЗЕ ЭРТАРЕНЫТ

Нылле индеш ий ожно Петербургысо подпольный первомайский погынымаш годым резиновый мануфактурын пашазыже В. И. Прошин выступатлен. Тудо ойлен:

— Мемнан дене калыкын праваже нерген кеч изишак ойлет гынат, тидым бунтлан шотлат! Мемнан эксплоататорна да правительна-шамыч чывытан семын мемнан вўрнам йўит, мемнам вес турло—ошемше, ужаргыше, туешкыше айдемыш савырат. А молан тыге ыштат? Вот молан: фабрикант, помещик, чиновник-шамыч тўшка да кугыжа роскошный илышыште йўын илынешт...

Прошин ойлымыжо годым нимомат шке гыч ешаркален огыл, тудо ойган чыным ойлен. Кугыжан Российыште калык тыгак илен. Пролетарский революционер-шамыч (нуно варака большевистский партийлан тўналтышым пыштеныт) пашазе-шамычлан ушнаш, шке правашт верч организованно шогалаш полшенят. Вот тидын нергенак тунам шолып эртарыме первомайский погынымашлаште — маевкылаш

те (тунам маевка манят улмаш) ойленыт. Тиде погынымашла гыч пашазе-шамыч чулым, шке вийыштан ушаныше лийын каеныт.

Тунам иктаж-гушан ола деч брдыжеш, чодр коклаш погынат улмаш. Ик петербургский пашазе Выборгский могырышто лийше маевка нерген каласкала. Тушто пураш лийдыме куп покшелне йоршын кукуш чара вер улмаш, а тудын йыр чўкыдо куэр кушкын Вот тудо верышке маевкым эртарашлан пашазе-шамыч иктын-иктын погыненыт. Постышто улшо городской пашазе-шамычын ала-кушко пеш шукуын каймыштым шижын налынат, тревогом тарватен. Моло полицейский, дворник-шамычат погыне-

Отряд да звеналаште лутса

ныт. Пашазе-шамыч чара вер йыр дозорный-шамычым шогалтылыныт да митинг нигунамсе деч сайын эртен. 15 минутат эртен огыл, дозорный куржын миен да „мемнан деке имвешке городской шамычын отрядышт толеш“—манын ойлен. Городовой-шамычет йолкорным муын огытылат, викак куп гыч чара верыш пураш шоненыт, но имнышт мўшкыр марте лавыраш пажедалыныт. Городовой-шамычлан имне умбачышт волаш да шкеныштым лавыртылын мбнгешла каяшышт логалын. Тидлан чыла пашазе-шамычат кугун куаненыт.

Но маевка-шамыч эре тидын семын сайын эртен огытыл. Пашазе-шамычым

кыренят, каторгыш колтылыныт, лўйкаленыт, утларакшым нунын уремышке йошкар знамя да революционный муро-шамыч дене лектедаш тўгалмышт годым тыге ыштылыныт.

1901 ийыште Тфилисыште пашазе-шамыч первомайский демонстрацийым ыштеныт. Колонна дене кок тўжем наре пашазе-шамыч каеныт. Нуно кушко нблтым йошкар знамя дене ошкылыныт. Демонстрацийым Сталин йолташ шкеак вуйлатен. Демонстрант-шамыч умбак шашка да лупш дене лупшкелдылын, полицейский да казак шамыч керылтыныт. Пашазе-шамыч сдатлалтын огытыл. Кучедалмаш нылле вич минут шуйнен. Пашазе-шамыч знамям геройски араленыт. Ик удрамаш приставын ала-

ком кырмажым ужынат уло шыдыж дене тудым умбак кержалтын, тудым умбалнысе мундиржым кушкедын да упшым кўрын-кўрын лукташ тўгалын. Знаменосец Аракел тудын вуйжо умбак лўшшальме шашкым яра кидше денак кучен да тудым коктыте тодыл шуэн.

1890 ий гыч тўгалын, Российысе пашазе-шамыч, Западысе нунын иза-шольо-шамычышт семынак, тюрьма деч, пуля деч лўдде, ий еда боевой маевка-шамычым эртареныт.

Первомайский демонстрацийыш лектын, ме мланде шарын куд ужаш гыч вич ужашыштыже эше шкеныштым утарышаш верч кучедалмаш миллион дене ен-шамыч нергенат шарнена. Садланак ме Первый майым международный пролетарский солидарность кече манына. Тиде кечын чыла эллесе пашазе-шамыч шкеныштын келшен илымышт нерген, ик ен гай лиймышт нерген, коммунизмын великий пашаже верч кучедалмаште икте весышлан иза-шольо семын полшаш кидым пуаш эре ямде улмышт нерген ойлат.





Иошкар-Ола ДТС-се юный натуралист-шамыч. Оңчыт рядыште (шола гыч пурлашке) Орлов, Голищникова Лида, Хаванский. Кокумшо рядыште: Долгирев Володя, Галашов Рафаил, Колумбов Володя. Фото М. Чуршукотын.

МЕМНАН ПАШАНА

Мемнан юннат кружокна 1937 ий гыч пашам ышта. Ме первый кече гычак шкенан эскерымашнам дневникыш возен шоген улына. 1938 ий шошым тиде дневникым оформитлымек, Все-союзный ял озанлык выставочный комиссийыш колтышна. Мемнам выставкын участникшылан пенгыдемденет да почет кыгаж возенет. Выставкыште участвоватлымылан выставочный комиссий свидетелством пуыш.

Тылеч вара мемнан дек кенеж жаплап толшо кайык-шамычын ылышыштым ончыктышо альбомым ыштышна. Тиде альбомышто ял озанлыкыште кайыкын могай пайдам пумыжым, нуным кузе аралаш кумло нерген раш ончыктенна.

Мемнан пашаштына лесотехнический институтын преподавательже А. А.

Першаков шуко полшен. Ме шкенан пашашкына самырык натуралист-шамычым угларак ушен шогена. Йоча - шамыч, вашке кенеж шуэш, айста чыланат природым эскераш,

кайык-шамычым тунемаш, нуным аралаш тунгалына. Рафаил Галашов, Владимир Колумбов, Владимир Долгирев.

Иошкар-Ола йоча технический станций.



Тиде—мыланна пумо свидетельство.



Советский Союзын 15 у геройжо-шамыч

Финский белогвардейшина ваштареш кучедалме фронтышто командованийын боевой заданийже - шамычым образцово шукты-

мылан да тидын годым ский Союз Герой званием ончыктымо отвага ден 15 еглан присвоитлаш геройствылан Ленин орден СССР Верховный Совет ден "Золотая Звезда" медалым вручитлен, Совет-

СССР Военно-Морской Флотын начальствующий составшым, краснофлотец ден красноармеецше-шамычым наградитлымаш

Финский белогвардейшина ваштареш кучедалме фронтышто Командованийын боевой заданийже-шамычым образцово шуктымылан да тидын годым ончыктымо доблесть ден мужеством СССР Верховный Совет Президиум Военно-Морской Флотын начальствующий, красно-

флотский да красноармейский составшым, начальствующий составын еш членыштым да гражданский учреждений - шамычын пашаенгыштым — 3.091 еным наградитлен.

Ленин орден дене 27 еным, "Красное Знамя" орден дене — 423 еным, "Красная Звезда" орден дене —

545 еным, "Знак почта" орден дене — 109 еным, "За отвагу" медаль дене — 225 еным, "За боевые заслуги" медаль дене — 715 еным, "За трудовые отличия" медаль дене — 47 еным наградитлыме.

Наградитлашше - шамыч список "Красный Флот" газетеш пурталтын.

РУШ КЛАССИК-ШАМЫЧ ЙОЧА-ШАМЫЧЛАН

А. С. Пушкин.

Э Р

Чевер ўжара ден
Восток петырнен;

Лупс ден вудылатыч
Пасусо пеледыш;



Энер вес вел ялыште
Тулат вет йорен;

Ужар олыклаште
Коштеш ятыр вольык.
Ан. Бик. кусарен.

М. Ю. Лермонтов.

АЗА РҮПШЫМӨ МУР

Мале, шортньо падрашем,
Мыйже мурым муралтем.
Тыйын чапле шўпкашкет
Тылзе эркын онча вет.




Мый йомакым колталам,
Мурым эркын муралам;
Тый шинчатым кумалтал,
Тамле омым папалтал.

Шадт Булат кусарен.

В. А. Жуковский.

Пырыс ден каза

Пакчаште пырыс
коштеда,
Йытра кужу оршан;



Каза поштеке
ошкеда,
Пешак кугу тўкан.
Умшажым пырыс
пеш ласкан
Изи чапаж ден ниялта;



Каза чалемше
пондашан,
Ончалын йолжым
тавалта.
Шадт Булат
кусарен.

Н. А. Некрасов.

Шошым

Каена, каена,
Изишлан чарнена,
Чодралам, олыклам
Куанен ончена.
Куанен ончена,



Колыштал шогена:
Шошым вуд чот чымен,
Йогалталеш гўжлен;
Чылт яндар каваштет
Муралта туриет!

Шадт Булат кусарен.

Литературный кружокым организоватлышна

Шукерте огыл Люльпан детдом пелен литературный кружок почылто. Кружокышко 48 йоча-шамыч возалтыныт. Занятий арняште кок гана эртаралтеш. Кружокын-паша планже уло. План почеш 1 май да тунемме ий пытыме лумеш литературно - художественный журналым лукташ ончыктымо. Кызыт кружок член-шамыч йоча художественный олимпиадылан ямдылалтыт.

И. К. Яковлев,
Литературный кружокым вуйлатыше.
Оршанке район,
Люльпан детдом.

Мутшо В. Ф. Федоров ден Ан. Бикын.

Муз. П. Н. Николаевын.

Мемнан республикыште илыше янлык-шамыч

ЗИНУШ

(Ик маршан)



Сылне нурыш ошкыл лектын,
Зинуш муржым муралтен.
Вуй йыр пидме порын лентым
Лай мардежше модыктен.
Муралтын сылне муржым,
Шке изажым шарналтен.
Вараксим гай чонешталже
Пеш мундырсе изамлан
Шужарет деч чонеш пижше
Пионерский салам.
Колыштал тый, изаем,
Шум гыч лекше у мурем.
Ала тыйым вай пижмаште
Тушман пуля эмгата;
Капет мландывак шунгалтын,
Вурет рокым йошкарта.
Только иктым раш палем:
Аралет шумбел элем.

Мыят тыште кажне кечым
Чот тыршалын тунемам.
Вараш ом код моло дечым,
Мый отличница улам.
Школыш коштын тунемам,
Лўяш сайын тўналам.
Тый колет гын, илыш верчын
Ваш пижмаште, изаем,
Йодам вашке Нарком дечын,
Тыйын олмыш мый миём.
Лиям тушто санитар,
Ок лўдыктў пуля, тар.
Сылне нурыш ошкыл лектын,
Зинуш муржым муралтен.
Вуй йыр пидме порын лентым
Лай мардежше модыктен.
Муралтын сылне муржым,
Шке изажым шарналтен.

Нишке-шамычын
кучедалмышт

Америкысе Флорида полуостро-
вышто адан кишке шамыч шуко
улыт. Нунын-кокка гыч эн лў-
машанлан шем алмаз тўсан чуж-
гыжы кишке шотдалтеш.
Тиде кишкым ядше айдемым
пуштеш.
Тудын ваштареш кучедалмаште
айдемылан шем—канде „индиго“
лўман кишке полша. Тудо шке-
же адан огыл, а чужгыжым
вашлиеш гын, кучедалаш пижеш.
Тыгай кишкылан чужгыжы киш-
кын ядше ок вите, адак чулы-

мырак тарванылеш. Садлан ку-
чедалмаште тудо сена. „Индиго“
кишке чужгыжы кишке деч
50—60 сантиметрлан кужурак, по-
ятыр вичкыж. Нунын нелытышт
ик гайракак.
Чужгыжы кишке колчала пў-
тырналтеш. „Индиго“ кишке
капше дене онгым ыштен, тудын
йыр пеш писын лўрдаш тўналеш.
Пўрдыжбодым вуйжым ик ве-
лыш да вес велыш кышкылтын,
тудын ўмба кержалтеш.
Чужгыжы кишке писын пўр-

шб „индигом“ эскерен ок шукто
да вўлтатмек, тушманым кучеч
лиеш тушечын пурлеш. „Индиго“
кишке тудын ўмба кержалташ
йўнан жапым вуча. Шкенжын
вуйжым тушман велыш мже
керт манын, аралалтеш.
Пытартышлан, чужгыжы киш-
ке чылт брмашке шуэш, „инди-
го“ кишкын вуй кышкылтымжым
эскерен ок шукто. Тунам „инди-
го“ чужгыжы кишке ўмба тўр-
шта да тудым нелеш.

К. А. Тимирязев

28 апрельште ве-
ликий ученый-рево-
люционер Климент
Аркадьевич Тимирязев
колымыжлан 20 ий темеш.

Тимирязев наука
фронтышто борце-
ыле. Тудо наукам
ончык колташ уло
вийже дене тыршен.

Тимирязев 1843 ий
3 июньшто шочын.
Тудо революцион-
ный ешеш кушкын.
Декабрьский вос-
ставийыште участ-
воватлыше - шамыч
дене вашлиеден. Са-
мырыкше годымак
Климент Аркадьевич
60 ийласе револю-
ционный демократ-
шамыч Чернышев-
ский ден Добролю-
бовын статьяшт ден
книга-шамычыштым
лудын. Университе-
тыште тунеммыже
годымак самодер-
жавий ваштареш



Кугыжан прави-
тельство Тимирязе-
вым эре поктылын.
Садланак тудо вес
элышке каен. Тушто
тудо мировой кугу
ученый Киргорф,
Бунзен, Гофмейстер,
Гельмгольц, Клод
Бернар, Берто да
Буссенго - шамыч

дене пырля пашам
ышта. Россияш
пўртылмекше, Ти-
мирязев уло вий-
жым, уло шинчы-
машыжым калыклан
пуа. Тудо расте-
нийын илышыжым
изучатлен. Шуко
прибор - шамычым
изобретатлен.

Климент Аркадь-
евич Дарвинын чыла
сочиненийжым руш
йылмыш первый ку-
сарен да дарвиниз-
мын первый пропа-
гандистше лийын.
Тудо Дарвинын уче-
нийжым шарен. Тид-
лан кугыжан прави-
тельство тудым
Московский универ-
ситет да Петров-
ский ял озавлык
академийсе профес-
сор радам гыч ко-
ранден.

Климент Аркадь-
евич Тимирязев уло

тўнялан пале. Ту-
дын „Жизнь расте-
ния“ книгаже кугун
аклалтеш.

Великий Октябрь-
ский социалистиче-
ский революций го-
дым гениальный
ученый пашазе класс
велке лиеш.

Октябрьский ре-
волюций деч вара
тудо Московский
советын членжылан
сайлалтеш.

К. А. Тимирязев
1920 ий 28 апрель-
ыште колен.

Агробиологий об-
ластыште Климент
Аркадьевичын па-
шажым И. В. Ми-
чурин достойно
продолжатлен. Кы-
зыт академик-орде-
ноносец-шамыч Т. Д.
Лысенко ден Н. В.
Ципин продолжат-
лат.

Профессор
С. А. Новиков.

Шошо испытаний марте
24 нече нодын

Акам дене коктын

Тений мый выпускной
испытанийым кучем. Тид-
лан кажне кечын ямдыла-
там. Руш йылме, Консти-
туций да физика дене повто-
ритлен пытаренам. Кызыт
руш йылме дене эре упраж-
нений-шамычым ыштылам.
Анна акам дене коктын
геометрий дене ямдыла-
тына: мый грифельный до-
скаш теорема-шамычым до-
казатлем, а тудо книга по-
чеш проверитла. Мыят туд-
лан ямдылалташыже пол-
шем: мом окумло—тудлан
умылтарем.

Сидыганов Паша.

Куженер район,
Салтак'ял НСШ,
7-ше класс.

Тений мыят
испытанийым кучем


Мый эше проверочный
испытанийыште нигунамат
лийын омыл. Садлан, испы-
танийыште нигуш пурен
кайш брмаш ынже лий ма-
нын, мый кызытак повторе-
нийым тўналым. Кызыт
географий дене повторит-
лем: книга, тетрадем лу-
дам. Географийым повто-
ритлен пытаремек, руш
йылме дене тўналтыш гы-
чак тунемаш тўналам. Ис-
пытанийым чыла предмет
денат „отлично“ да „хоро-
шо“ отметка дене гына ку-
чаш шонем.

Михайлов Максим.

Сотнур район,
Курык ўмбал начальний школа,
4-ше класс.



Чайнворд



Мут-шамычын значенийышт:
1. Саска. 2. Пеледыш. 3. Ци-
трусый саска. 4. Сакыр уш-
менын продукцияже. 5. Юж-
ный шурно. 6. Чай шолтымо
ўзгар. 7. Кўнчен луко веще-
ства. 8. Хищникин эн виян
пўижб. 9. Эм. 10. Умыла да са-
лат дене ыштыме напиток.
11. Яндарлык. 12. Ургызын ўз-
гарже. 13. Шуко чайым ышты-
ше эл. 14. О градус леч ўл-
нысб температура. 15. Уйым
шўшмбодым лийше шўр про-
дукт. 16. Углекислый минераль-
ный лечебный вўд. 17. Продукт
аралыме вер. 18. Шурно куш-
мо вер. 19. Сыра шолтымо шу-
до. 20. Юж. 21. Пенгыде лыш-
ташан пушенге. 22. Муно кўр-
гб. 23. Кугемдыше ўзгар.
24. Мланде йымалан шочшо
плот.

Чайнвордым ОХОТНИКОВ
МИША составил.
Йошкар Ола район,
Шекляур НСШ.

Шарада

Нота—мыйын первый слог.
Тудым лудса мўнгешла.
Нота—весыжат, лудса мўнгеш-
ла.
Иктеш—эгер лиеш.

Колген
ВОЛОДЯ ТОКМУРЗИН.
Татарский АССР,
Буймо средний школа.

Отв. редактор—
И. М. МУЗУРОВ.